



Publicatie. Alsoo by den hove van Hollandt bevonden is, dat Bernardus Dwingloo ...

<https://hdl.handle.net/1874/18771>

P V B L I C A T I E.

A L S Lsoo by den Hove van

Hollandt bevonden is / dat Barnardus Dwinglo
certijts Predicant tot Leyden ende neffens eeni-
ghe andere Predicanten uyt dese Landen mede
gebannen / hem niet alleen en heeft onderstaen/
contrarie van dien/de selve Landen te frequenteren/ ende heym-
liche Predicatien aldaer te doen/maer oock boven dien/beneffens
anderen/te helpen beleyden ende aenwenden verscheyden Conspi-
ratien ieghens den Staet ende Regieringhe vande selve Landen:
SOO IST, dat 't voorz Hoss by desen eenen yeghelycken doet
verwittighen/ dat de ghene die den voorz Dwinglo sal commen ts
openbaren/ende aen te brenghen / sulcx dat hy levendigh in han-
den vande Justitie komt te geraeckcn/ boven de viij hondert Kar-
rolus guldens/te vooren by placate op elck der ghebaumen Pre-
dicanten ghestelt/ noch vereert sal werden mit ghelycke viij hon-
dert gulden/ ende sal oock de Naem banden selven Aenbengher
secreet gehouden werden: Lastende/ende bevelende oock 'tvoor-
schreven Hoss/ eenen yeghelycken die souden mogen weeten/waer
d'voornoemde Dwinglo hem soude mogen onthouden / dat syly-
den 'tselue batelick den Hooft-Officier vande paelte aenbrengcr:
Ende wert mits desen oock eenen yeghelycken/ wie hy zy/ expres-
selycken geinterdiceert en verboden/ den voornoemden Dwinglo
te logeren / Huyzen / Hoven / ofte in eenigher manieren te ber-
ghen ofte versteeken / Alles op peyne van exemplaerlijken aen-
hijf ende goet ghestraft te sullen werden / die ghene die bevonden
sullen werden contrarie van dien gedaen te hebben/ Sonder dat
eenigh verloop van tijdt/ al wast oock van veel Jaren/ hen-luyden
eenichsnts te bate sal commen ofte verschoonen. Ghedaen inden
Haghe den elfden Aprilis/ Anno sechien-hondert drie-en-twin-
tigh. In kennisle van my/

3
F.Criep.

JN 's GRAUEN-HAGHE,

By de VVeduwe ende Erfghonamen van wijlen Hillebrant Jacobssz
van VVouw, Ordinaris Druckers vande Ed: Mog: Heeren Staten
van Hollandt ende VWest-Vrieslandt. Anno 1623.